

գանձապահին փոխադրել Պետերգորսկի ս. Սահակ-Մեսրոպ եկեղեցու ծխական հոգաբարձութեանը մի հաղարհինդ հարկւր ռուբլի եկեղեցական և դպրոցական այն գումարից, որ փոխարքայի դիւանատունը 1908 թ. № 15835 գրութեամբ փոխադրել է Սինոդի անունով:

ԿՐՈՆԵԿԱՆ—ԲԵՐՈՅԵԿԱՆ

ԼԵՌԱՆ ՔԱՐՈՂԻ:

Իբրեւ եշխանութեամբ ուսուցանէր
և ս'չ որպէս դպիւրն նոցա:

Մատթ. Է, 29.

Լեռան քարոզի ընդունելութիւնը շատ տարբեր է եղել այլ և այլ ժամանակներում: Գրեթէ ամենքն էլ հիացել ու բարձր գնահատման արժանի են համարել այս քարոզը, թէպէտև ամեն ոք իւր տեսակէտից: Այսօր ևս ամենատղատ խորհողներն անդամ համամիտ են եկեղեցական ուղղութեան հետևող ամենախիստ պահպանողականներին այն խնդրում, որ Յիսուսի այս քարոզն իրօք աննման է, ճշմարտապէս անտուածային խօսք և լաւագոյն բարոյական ուղեցոյց ամբողջ մարդկութեան համար: Եւ սակայն հէնց այս միակ կէտովն էլ վերջանում է տարբեր ուղղութեանց ներկայացուցիչների ամբողջ համամտութիւնը: Եկեղեցականները յանդիմանում են ազատախոհներին, որ սոքա ամբողջ նոր-կտակարանից լոկ Լեռան քարոզն են ընդունում ու խոստովանում, իսկ վերջիններս՝ թէ նոր-կտակարանի մնացած մասն ուղղակի խանդարիչ, հեղձուցիչ ու սպանիչ է Լեռան քարոզի վճիտ ու վսեմ գաղափարների համար: Այս ուղղութիւններից մէկի համար Լեռան քարոզը զուգորդուած է Աստուածորդու գաղափարի հետ, մինչդեռ

միւսի համար ընդունելի ու խոստովանելի է, ոչ այն պատճառով, որ Յիսուսի խօսքն է, այլ որ համամիտ, համակերպ ու համաձայն է մարդկային բանականութեան:

Սակայն իրօք միանգամայն հաւաստի չէ Լեւոն քարոզի համաձայնութիւնը խոհականութեան: Եւ իսկապէս ինչո՞ւ պէտք է այնքան բազմաթիւ, ըստ ինքեան շատ խոհական մարդիկ իրենց ընթացքը չհամակերպէին Լեւոն քարոզի պահանջներին: Ապաքէն այն պարզ պատճառով, որ այս քարոզի պահանջները շատ աւելի մեծ են, քան ինչ որ ըստ ինքեան հասկանալի է ու բնականօրէն բոլորում է մարդուս խոհականութիւնից: Ով կամենում է անշեղ ընթանալ Լեւոն քարոզի գծած շաւղով, նա հարկադրուած է վտանգի ենթարկուել ու մարդկանց առօրեայ մտածողութեան առաջ անմիտ համարուել, քանի որ նա պարտաւոր է լիովին համբերատար, հեզ ու սիրալիր լինել և իւր շահն ու եսը միանգամայն մոռացման տալով՝ անձը հանրութեան օգտին բոլորանուէր զոհ բերել, մի բան, որ՝ մարդկօրէն դատելով, իրօք անմտութիւն է: Միմիայն Յիսուս է կարողացել կատարել Լեւոն քարոզի բոլոր պահանջները և դորա համար էլ փշեայ պսակով զարդարուել ու խաչ է հանուել: Եւ նոյն կամ նման վախճան է ունենում ամեն ոք, որ հասել է Լեւոն քարոզի բոլոր պահանջներին հետեւելու կատարելութեան:

Պարտք ունինք շիտակ խոստովանելու, որ մեզանից և ո՛չ ոք չի կատարում Լեւոն քարոզի պատուիրանները: Ո՞վ է այն մարդը, որ Լեւոն քարոզն ուղեցոյց է դարձրել իւր կեանքի համար և կատարում է նորա պատուիրանները, ինչ պաշտօնի ու դործի էլ լինի: Այսպէս չեն ոչ վաճառականները, ոչ կալուածատէրերը, ոչ քաղաքագէտները և ոչ այլ կոչման ու զբաղման մարդիկ: Այսպէս չէ և ընդհանրապէս մարդս, երբ մէկը նորանից ոգորմութիւն կամ փոխառութիւն է խնդրում և կամ երբ նա ընկերին որ և է չարամիտ զրպարտութեան համար դատարան է քաշում՝ մոռացման տալով տարապարտուց կրած տառապանքի մէջ եղած մխիթարութիւնն ու երջանկութիւնը:

Արդ՝ էլ ի՞նչ օգուտ և շահ է մեզ Լեւոն քարոզի գոյութիւնը, քանի որ չենք հետևում նորա պատուիրաններին: Օգուտը շատ մեծ է. նախ՝ նա վառ ու կենդանի է պահում մեր մէջ այն զգացումն ու գիտակցութիւնը մեր առօրեայ հոգսերով լի կեանքում, որ իսկական բարոյական բարձրութեան գագաթնակէտն անհասանելի է այս աշխարհում: և ապա՝ միևնոյն ժամանակ նա մեզ ոյժ և զօրութիւն է ներշնչում գոյութեան անողորմ կռուի մէջ իսկ այնքան կայծեր ընդունել յաւիտենական սիրուց ու հրահրել մեր հոգու խորքում, որ չափով այդ հնարաւոր է: Ճշմարիտ է, մի ինչ որ գերաշխարհային և անիրագործելի բան կայ Լեւոն քարոզի մէջ, և սակայն հէնց դորա մէջն է նորա ադամանդեայ փայլը:

Եթէ մենք կարող լինէինք լիովին կատարել Լեւոն քարոզի պահանջները, ապա նա չէր լինիլ այն յաւիտենական քարոզն ու անանց խօսքը, ինչ որ երբ և է հնչել է մարդկային շրթունքներից:

Գեւմ. փոխադր. ն. վ. Տ.—Մ.